



Republika e Kosovës – Republika Kosova
Paneli Zgjedhor për Ankesa dhe Parashtresa
Izborni Panel za Žalbe i Predstavke

A nr. 14/2021

Paneli Zgjedhor për Ankesa dhe Parashtresa (PZAP), në panelin e përbërë nga gjyqtarët Rustem Thaqi kryesues, Afijete Sada - Gillogjani, Faton Ademi, Kymete Kicaj, Milena Đerić, Zyhdi Haziri, Burim Ademi, Ferki Xhaferi dhe Adnan Konushevi anëtarë, me pjesëmarrjen e zyrtares së lartë ligjore Valbona Millaku Foniqi, duke vendosur përkitazi me apelin e subjektit politik Socialdemokratska Unija (SDU), me seli në Prizren të cilën e përfaqëson Duda Balje, në cilësinë e kryetares se subjektit, paraqitur kundër vendimit të Komisionit Qendror Zgjedhor (KQZ), me nr. 225/2021 të datës 22.01.2021, për certifikimin e kandidatit Emin Neziraj në listën e kandidateve të subjektit politik Nova Demokratska Stranka (NDS), me seli në Prizren, për Zgjedhjet e Parakohshme për Kuvend të Republikës së Kosovës, që do të mbahen më datë 14.02.2021, në seancën e panelit të mbajtur me 25.01.2021, mori këtë:

V E N D I M

I. Pranohet i bazuar apeli, Anr.14/2021 datë 23.01.2021, i subjektit politik Socialdemokratska Unija (SDU), me seli në Prizren, prishet pjesërisht vendimi me nr. 225/2021 i datës 22.01.2021 i Komisionit Qendror të Zgjedhjeve, me seli në Prishtinë, ashtu që decertifikohet kandidati Emin Neziraj, nga lista e kandidateve të certifikuar për deputet të subjektit politik Nova Demokratska Stranka (NDS), me seli në Prizren.

II. Pjesa tjetër e vendimit nr. 225/2021 i datës 22.01.2021 i Komisionit Qendror të Zgjedhjeve me seli në Prishtinë, mbetet i pandryshuar.

A r s y e t i m

PZAP-i, ka pranuar më datën 23.01.2021 një apel nga subjekti politik Socialdemokratska Unija (SDU), me seli në Prizren në të cilin theksohet se Emin Neziraj gjendet në partinë Boshnjake në listë për deputet, dhe se kanë pranuar shumë kritika dhe shqetësime për nominimin e tij për të qenë pjesë e listës zgjedhore të NDS për zgjedhjet e 14 Shkurtit 2021, dhe se Emin Neziraj nga lista Nova Demokratska Stranka – NDS më datën 07.10.2017 deklaroi në faqen e tij në facebook se është në të garë për deputet në listën e Nismës ku ka qenë me numër 7 dhe se ka deklaruar se është shqiptar. Më tutje në apel theksohet se shqetësimi dhe ankesa ka të bëjë me dilemat rreth kandidaturës së personit në fjalë i cili i takon komunitetit shqiptar dhe do të mbroj interesat e komunitetit Shqiptar ndërsa garon në kuadër të listës së një partie nga radhët e komunitetit Boshnjak. Praktikrat e tilla të prezencës në listë të pjesëtareve të komuniteteve tjera në listat e komuniteteve të caktuara e cenon dhe krijon pasiguri në përfaqësimin e drejtë të atij komuniteti për të cilin janë rezervuar vendet, dhe se

nëse kjo praktikë lejohet në të ardhmen shumë lehtë do të këtë hapësirë të manipulohen vendet e rezervuara për komunitet sepse partitë politike do të vendosin emra të cilët mund të sjellin vota dhe shumë lehtë të kemi përfaqësues edhe nga mazhoranca të cilët nuk janë pjesëtar të komunitetit boshnjak por garojnë vetëm sa për të marrë një mandat politik dhe duke dëmtuar komunitetet. SDU kërkon që edhe ky rast të trajtohet njësoj nga ana e juaj që të largohet kandidati nga kjo listë përndryshe do e cenon të drejtën e komunitetit boshnjak e cila e drejte i është e garantuar edhe me Kushtetutë dhe Ligjet në fuqi.

PZAP-i më datën 23.01.2021 i ka dërguar Komisionit Qendror të Zgjedhjeve (KQZ) kërkesën për përgjigje në ankesë. Komisioni Qendror i Zgjedhjeve (KQZ) ka dërguar përgjigjen në ankesë më datën 24.01.2021, në të cilën theksohet se sipas LZP-së, në nenet 15, 25 dhe 26, Rregullës zgjedhore Nr. 08/2013 Certifikimi i subjekteve politike dhe kandidatëve të tyre, në nenet 3, 4 dhe 5 si dhe Rregullës zgjedhore Nr. 15/2013 për zgjedhjet e jashtëzakonshme dhe zgjedhjet e parakohshme në nenin 3, si dhe planit operacional të miratuar nga KQZ për zgjedhjet e parakohshme për Kuvendin e Republikës së Kosovës që do të mbahen më 14 shkurt 2021, subjektet politike duhet plotësuar kushtet e parapara. Pas kontrollimit të dokumentacionit në kuadër të obligimeve ligjore, Zyra ka bërë verifikimin e dokumentacionit sipas listës se mësipërme (Përveç përkatësisë etnike të kandidatëve nga pamundësia e krahasimit të tyre me data bazën e regjistrimit civil pasi që përkatësia etnike nuk ceket në asnjë dokument) si dhe kualifikimin sipas nenit 29 të LZP-se. Pas verifikimeve të nevojshme Zyra rekomandoi certifikimin e të gjithë kandidateve të subjektit politik Nova Demokratska Stranka- NDS sipas listës së bashkangjitur si Shtojca 1 e kësaj përgjigje. Më tutje në përgjigje në ankesë thuhet se jemi njoftuar nga subjekti politik SDU që një kandidat i certifikuar i listës së kandidateve të subjektit politik NDS gjegjësisht Emin Neziraj më numër rendor 12 në listën e kandidateve të NDS edhe pse garon për ulëset e garantuara të komunitetit boshnjak ai gjithmonë është deklaruar si pjesëtar i komunitetit shumicë shqiptar. Zyra ka orientuar SDU që ankesat për kandidatet e certifikuar shqyrtohen nga PZAP. Në përgjigje në ankesë të KQZ-se theksohet se verifikimi i përkatësisë etnike të listës së kandidateve për deputet të subjekteve politike që garojnë për ulëse të garantuara në Kuvendin e Republikës së Kosovës nuk është kërkesë e specifikuar as në LZP e as në rregullat zgjedhore të KQZ-së, pra përkatësia etnike bazohet në deklarinimin e subjektit politik në formularin e aplikimit i cili në këtë rast përputhet me të dhënat me rastin e regjistrimit si parti politike. Zyra nuk ka njohuri për ndonjë data bazë të shtetasve të Kosovës e cila do të përmbante edhe përkatësin etnike të qytetarëve dhe për ekzistencën e ndonjë institucioni të Kosovës i cili do të mund të lëshoj ndonjë certifikate të përkatësisë etnike.

Paneli pas shqyrtimit të shkresave të lendes gjeti se:

Apeli është pjesërisht i bazuar

Paneli i PZAP-it, vlerëson ligjshmërinë e vendimit të KQZ-së, Nr. 225/2021 të datës 22.01.2021, dhe konstaton se i njëjti nuk është në harmoni të plotë me nenin 111 par.1

të LZP-së, në të cilin përcaktohet se: “Vendet në Kuvend ndahen sipas sistemit të përfaqësimit të caktuar nga neni 64 i Kushtetutës së Republikës së Kosovës, duke ndarë:

a) njëqind (100) vende midis të gjitha subjekteve politike të certifikuara në raport me numrin e votave të vlefshme që kanë marrë ato; dhe

b) njëzet (20) vende janë të garantuara për përfaqësimin e komuniteteve që nuk janë shumicë në Kosovë, si vijon:

(i) partitë, koalicionet, nismat qytetare dhe kandidatët e pavarur, të cilët janë deklaruar se përfaqësojnë komunitetin serb, do të kenë numrin e vendeve në Kuvend të fituar në zgjedhjet e hapura, me minimumin dhjetë (10) vende të garantuara, në rast se numri i vendeve të fituara është më i vogël se dhjetë (10); (ii) partitë, koalicionet, nismat qytetare dhe kandidatët e pavarur, të cilët janë deklaruar se përfaqësojnë komunitetet e tjera, në Kuvend do të kenë numrin e vendeve të fituara në zgjedhjet e hapura me minimumin e vendeve të garantuara si në vijim: komuniteti rom një (1) vend; komuniteti ashkali një (1) vend; komuniteti egjiptian një (1) vend; dhe një (1) vend shitesë i jepet komunitetit rom, ashkali, ose egjiptian, që ka numrin më të madh të votave të përgjithshme; komuniteti boshnjak tri (3) vende, komuniteti turk dy (2) vende dhe komuniteti goran një (1) vend, nëse numri i vendeve të fituara nga secili komunitet është më i vogël se numri i vendeve të garantuara”.

Prandaj paneli vlerëson se në momentin kur një subjekt politik që garon në zgjedhje, për vendet e rezervuara, për përfaqësim të komuniteteve në Kuvendin e Kosovës, fillimisht specifikohet se cilit komunitet i takon subjekti politik që garon në zgjedhje dhe nëse subjekti politik dëshiron të garojë për vendet e garantuara në Kuvendin e Kosovës, është i njoftuar paraprakisht, me dispozitën e lart cituar ligjore dhe po ashtu në këtë rast është njoftuar nga KQZ-ja, me procedurën e aplikimit për regjistrim-certifikim, e cila potencohet edhe në përgjigjen e KQZ-së, se subjekti NDS, ka qenë i njoftuar me procedurën, sepse rrjedhimisht kandidatët në listën e subjektit politik do të duhej të deklarohen me rastin e aplikimit për certifikim se garojnë për vendet e garantuar dhe duhet të jenë nga komuniteti jo shqiptar, pasi që në rastin konkret kemi të bëjmë me subjektin politik NDS, që garon në zgjedhjet e datës 14.02.2021, për vendet e garantuara, për komunitetet jo shumicë në Kosovë.

Mbi këtë bazë paneli vlerësoi se KQZ me vendimin Nr. 225/2021 të datës 22.01.2021, nuk ka vepruar drejt me rastin e certifikimit të listës së subjektit politik NDS, në mesin e të cilës është edhe kandidati Emin Neziraj, me numër 12 i cili garon në kuadër të subjektit politik Nova Demokratska Stranka NDS, për Zgjedhjet për Kuvendin e Republikës së Kosovës të datës 14.02.2021, për vendet e garantuar, të cilat vendet si me nenin 64 të Kushtetutës së Republikës së Kosovës ashtu edhe me nenin 111 par. 1 të LZP-së, janë vende ekskluzivisht të garantuara për komunitet në Republikën e Kosovës, jo për komunitetin shqiptar, për këtë arsye dhe bazuar në dispozitat e lartcekura ligjore, të gjitha subjektet politike që garojnë në zgjedhje për Kuvend të Republikës së Kosovës, për vendet e garantuara do të duhej që në listat e tyre për kandidat, për deputet të jenë vetëm nga komuniteti që i përket subjekti politik me arsyen se kandidatet nga komunitet më për se drejti i përfaqësoj interesat e bashkëkombësve të tyre sepse shumë me mirë i njohin problematiken e komunitetit, pjesëtarë të së cilës janë edhe ata vetë e jo nga komuniteti shqiptar, që në rastin konkret subjekti politik NDS, nuk ka vepruar konform dispozitave të lart theksuar dhe

procedurave për aplikim të një subjekti politik që garon në zgjedhje për vendet e garantuar në Kuvend të Republikës së Kosovës, ku ne mesin e kandidatëve për deputet ka propozuar për certifikim në KQZ, edhe kandidat për deputet nga komunitetit shumicë-shqiptar në vend.

Andaj, nga arsyet e lart cekura konform nenit 118 par.1 dhe nenit 122 të LPZ-së, u vendos si në diapozitivin të këtij vendimi.

Paneli Zgjedhor për Ankesa dhe Parashtresa

Anr. 14/2021 më datën 25.01.2021



Këshillë Juridike: Ndaj këtij vendimi mund të paraqitni ankesë në Gjykatën Supreme të Republikës së Kosovës brenda 24 orëve nga momenti i marrjes së vendimit nga PZAP-i.